

BIAKBUK PAN KHUAVAK TAAANG



Lesson 8 ading May 25, 2024




“Tu-in i gennop
thu pen: Vantung
ah Pasion' tokhom
taklam ah atu tua
bang siampi-lian
khat i nei hi.

Amah in mihing
bawl' ahilo Topa in
a bawl taktak ahi,
siangtho mun sung
ah siampi-lianpen
nasep asem ahi
hi.” (Hebrew 8:1, 2)

Nipi kaal 70 le ni 2,300 genkholhnate a pulaak mah bang in 1844 kum ah Zeisu hong pai'kik loh ciangin, genkholhnate ngaihsun pha kik ding kisam hi. Cih mukhia uh hi:

Biakbuk sian'suakna pen Zeisu nihvei hong pai kikna hilo hi. Daniel 8:14 le Daniel 7:9-10 ii thukhenna in a kibang thu pulaak a hileh, koi biakbuk siangtho mun pen sian'suah ding kisam ahi hiam? Lam khat pan cileng, 1844 kum ah koi bang hatsatna sin kipan hiam?



-  **Van Biakbuk**
-  **Siangtho pen Mun**
-  **Thukhenna**
-  **Hehpihna le thumaanna**
-  **Thukham'siam mi le Palai**

VAN BIAKBUK

"Amah in mihing bawl ahilo Topa' bawl a taktak ahi, siangtho munsung ah siampi-lianpen nasep a sem ahi hi"
(Hebrews 8:2)

A kisian'suah biakbuk pen leitung ah ahih keileh, koi hi ding?

Lai Siangtho a kikaan na pan in 1844 kum lungkiatna lianpi khit ciangin Adventist pawlpi in biakbuk mun nih a om lam hong mu khia uh hi.

Leitung biakbuk, a man khat ii liim le lim' hi (Heb. 8:5)

Pasian amah ngiat in a lamh , van biakbuk (Heb. 8:2)

Biakbuk masa, le AD 70 kum ciang a kizangh biakinnte pen Moses tungah Pasian in a lak khiat bang lian in a kilam hi (Pai. 25:40). Zeisu in: Tuuno diktak le Siampi Lianpi limciing hi (Jn . 1:36; Heb. 4:14).

Amasa in, eite' mawhnate a hemkhia ding in Zeisu in amah mah hong kipia khia hi (Rom. 5:8); a nihna ah, eite' a dingin amah in hong thuum sak hi, mawhna huzaap na sung pan suakta in eite' gupngah na pen hong lung muang sak hi (Heb . 7:25).





SIANGTHO PEN MUN



"Amah in tua bangin Israel mite' nit'na hang, amau' thu palsatna hang, leh amau' khialhna khempeuh hangin siangtho mun a dingin kilemna bawl ding hi." (Siam. 16:16a)

Israel mite in a biakpiakna uh tawh mawh maai sakna a ngah uh hangin amaute mawhna pen biakbuk ah "kipuak" hi. Tua ahih manin, tua-in sian'suahna kisam hi. Hebrew mite-in tuni-in thukhen na ni ci-in mite' theih mawhsutpi ni ah a piang hi.



Mi kim in a lungsim khempeuh sung khia ding uh hi (Siam. 23:27)



Leitung vai khempeuh bang mah semlo uh hi (Siam. 23:28)



Siampi Lianpa in Pasion tawh kimu dingin lut suk hi (Siam. 16:12-13)



Thukham singkuang, dalna puan le kham' biakna tau ah keeltal si tawh sian' suah (Siam. 16:15-19, 33)



Adang keel in gitlotnate pua in mi' omlohna gamlak ah kipaipih (Siam. 16:20-22)



Atawpna ah amaute in mawhna pan siangta uh hi (Siam. 16:30)

A zenzen in mi khat in tua ni-in lung hihmawhna omlo hileh, amaute mawhnate kisiik in "paih khiat" ngah ding hi (Siam. 23:29-30). Tua ni-in vangtahna ngah ding hi. Tua mah bangin, van biakbuk ah sian'suah khit ciangin, eite vangtahna sehna ngah ding hi. Tua sungin, tu' in i lungsim khensat ni ding hi (Heb. 3:14-15).




THUKHENNA

Amah nakpi takin kiko a, "Amah in mihingte thu a khen ding hun hong tungta ahih manin Pasion kihta unla amah phat un. Van le lei, tuinak le tuipi a bawlpaw hong bia ta un," a ci hi.
(Mangmuhna 14:7)

Genkholhna bangin, Van biakbuk siangtho mun sian'suahna – tua in, Thukhenna – 1844 ah kipan hi. Tua hun a kipan, Adventist Pawlpi in thukhenna hun hong tung zo hi, ci-in nak pi takin taangko in, Pasion bia dingin mi khempeuh sam in, Ama thupiak tawh nungta khawm ding sam hi.

Ahizongin Zeisu in leitung ah hongpai tak ciangin thukhen ding hilo hi (1Kh. 16:33; 2Tim. 4:1)?

Zeisu hongpai ciangin, Amah in "a gamtatna bangin" a pia dingin "thaman" tawh hongpai ding hi (Mang. 22:12); A tel'sa mite kaikhawm dingin vangtung mite sawl hi (Mat. 24:31); Amah a um mite thokik sak ding hi (1Thes. 4:16). A si sa thu umlo mite in Zeisu hongpai' ciangin thokik lo-ding cih phawk in, tua hun laitakin thukhenna thuak lo ding hi. (Mang. 20:4-5).



HEHPIHNA LE THUMAANNA

"Itna kip tawh kumpi tokhom khat kiphut ding a, thuman sep ding a manlang, thutang zongin thu a khen mipa pen David' buk sunga om tua tokhom tungah thuman tawh tu ding hi," a ci uh hi. (Isaiah 16:5)

Siangkuang sunga kikoih Thukham 10 in thukhenna tehna, a vang'lian thu maan'na ai-awh hi (Ths. 12:13-14). Thukham le Pasian maipha kikaal ah kikoih hehpihna tokhom in Pasain hehpihna ahi hi (1Jn. 2:1-2).

Ama' sisan in mei'hal biakna tau ah kitheh



Vantung nate tawh kisai-in Zeisu' biak piakna a san' tawh kipan hi

Ama' sisan in paak namtui haalna tau ah kitheh




Khazih tawh a tawntungin kizopna nei inla nungta in

Ama' sisan in sing kuang koihna daalna puan tungah kitheh



i thuneihte thukhen maangpa mai-ah sungkhia-in thu khup




Thumaanna in thukham' deihna bangin zuih ding kisam hi. Hehpihna in eite mun ah Zeisu i a kicing nunna hong ngah sak hi 1 Pet. 1:18-19). "Thukhenna ni ciangin eite in upna nei in, eite sungah itna tawh hong kidim sak ding hi" (1Jn. 4:17).

THUKHAM'SIAM MI LE PALAI

“Tua hi-a, mite-a' dingin a thum'sak thei dingin amah nungta tawntung ahih manin ama tungtawn in Pasion kiang a zuante khempeuh, tu-a kipanin a tawntungin a honkhia thei ahi hi.” (Hebrews 7:25)

Zeisu' nuntakna in a kisam leitung le khuavanpi en in Pasion itna pulaak hi. Ama' sihna in mawhna ii siathuai na kilangh sak in, mi khempeuh adingin hotkhiatna pia hi. Van biakbuk a om Ama' thungetna in tuate a sang na dingin upna sungah a khangto khempeuh adingin mawh maisak na thupha a pia hi.

I nuntak sung khempeuh thukhenna hun ah Zeisu in eite' adingin palai ahi hi (1Jn. 2:1).



Van Biakbuk ah Zeisu sepna in eite hibang in honghilh:

- Tatkhiatna geelna pen kitel' takin hong tel' sak
- Pasion Thukham' ii hong kalhte
- Ei hong tatkhiatna in man' ciangtan omlo
- Pa' kiang i tun' theih nadingin Zeisu hong hon sak lampi
- Lungmuang takin Pasion kiang i naih theih nang'

Asawtlo-in, thukhenna kizo in Zeisu in “bawlsiat thuak ding hilo-in, Amah a ngakte hotkhiat a ngah theih nading in, nih veina hongpai ding hi” (Heb. 9:28)



“Thukhenna laibute kileem a, Zeisu a um mite nuntaknate Pasion mai-ah kisit hi. Leitung a piangkhia masa sa-in Palaipa in akhang khanga kizuite sit suksuk a, a nungta laite a nunung sak hi. Min khempeuh kilo khia-a, teltakin kisitsuk hi. Min pawlkhat kisaang a, min pawlkhat a kinolh hi.

Mawhna pawlkhat ciaptehna bu ah pulaak loh maisak loh-in na omlai-a, nuntakna laibu sung pan amin uh kiphiat-in, a gamtat hoihna omsate Pasion ciaptehna laibu panin kiphiat khia leuleu hi. [...]

A maantaka mawhna kisik a Khazih sisan tawh kisiansuah ding upna nei mite, vantung laibu sunga amin mai ah, kimaisak hi, ci-in kigelh hi. Amaute in Khazih dikna a tang’kha te hita a, a gamtat lai nadingte uh Pasion thukham tawh a kituak ding mite hi-in amaute mawhnate kiphiat khiat sak a, amau le amau mah in zong tawntung nuntakna ngah ding thamcing cihna ngah uh ahihlam a kithei thei uh hi.”

“Tu-in kei-in thukhenna pua ah ka ding a, tua thuphate ngak le lamem in, eite’ Topa le honpa Zeisu Khazih ii vang kilangh hi. [...] Eite taangin palai sem in a hong thuumsakna ah Khazih in mihing’ hoihna le thuum saknate hang hilo hi. Amah bek in mawhna a pua khia pa, Amah bek in mawh kisuutna hi. Amah tung ah Thungetna le mawh thuum nate pen a siangtho pen mun ah a vek khempeuh adingin khat bek in lut in pia ding hi. Upna tawh Amah kiang a zuante khempeuh a honkhia ding hi. Amah in eite hong thuum sak dingin a tawntung in hong nungta hi.”